

НЕФТЬ-ГАЗ СОҲАСИДАГИ ИШЛАР САМАРАДОРЛИГИ КЎРИБ ЧИҚИЛДИ

Президент Шавкат Мирзиёев 24 май куни нефть-газ хом ашёсини қазиб олиш ва маҳсулот ишлаб чиқаришни кенгайтириш масалалари муҳокамаси бўйича йиғилиш ўтказди.

Мамлакатимизнинг Тараққиёт стратегиясида иқтисодийни либераллаштириш ва sanoatning етакчи тармоқларини трансформация қилиш бўйича мақсадлар белгиланган. Жумладан, нефть-газ соҳасида ҳам трансформация жараёнлари бошланган.

Йиғилишда давлатимиз раҳбари, аввало, шу масалага эътибор қаратиб, бу жараённи жадаллаштириш зарурлигини таъкидлади. Халқаро консультантларни жалб қилиб, стратегик ёндашувларни белгилаб олиш, нефть-газ соҳасида ҳисоб-китоб механизмлари шаффофлигини таъминлаш вазифалари кўйилди.

Корхоналарни молиявий соғломлаштириш, операцияон самарадорликни ошириш орқали харажатларни қисқартириш, бошқарув тизimini илғор хорижий тажриба асосида ташкил этиш бўйича чора-тадбирлар белгиланди.

Президент тармоқ раҳбарларига аҳоли ва тадбиркорлик субъектларини ёқилги-энергия манбалари билан узлуксиз таъминлаш бўйича аниқ топшириқлар берди.

Табиий газ истеъмолини назорат қилиш ва ҳисобга олишнинг автоматлаштирилган тизimini тўлиқ ишга тушириб, йўқотишларни бартараф этиш чоралари белгиланди. Ресурсларни ҳозирдан тежаш, муқобил энергиядан фойдаланишни рағбатлантириш муҳимлиги таъкидланди.

ЎЗА

МАКТАБЛАРНИ БИТИРУВЧИ ЎҒИЛ-ҚИЗЛАРИМИЗГА

Қадрли мактаб битирувчилари! Сизларни мактаб таълимини муваффақиятли тугатиб, мустақил ҳаётга – умрингизнинг янада гўзал ва масъулиятли босқичига қадам кўяётганингиз билан чин қалбимдан самимий табриклаймиз.

Мамлакатимиздаги барча умумтаълим даргоҳларида "сўнгги кўнғироқ"лар янграб, қадрдон мактаб-бингиз, меҳрибон устозларингиз билан хайрлашув тадбирлари ўтказилаётган ушбу қувончли ва ғоят ҳаяжонли дамларда ҳаммангизга келгуси ҳаётда улкан ютуқ ва омадлар тилаймиз.

Умид ва ишонч рамзи бўлган етуқлик шаҳодатномалари барчангизга муборак бўлсин!

Азиз болаларим!

Бу йил республикада 390 минг нафардан зиёд ўқувчи-ёшлар умумтаълим мактабларини битирмоқда. Ҳеч шубҳасиз, ўз билим ва истеъдодини Ватанимиз ва халқимизга муносиб фарзанд бўлишдек олижаноб мақсадларга сарфлашга чоғланиб турган сиздек тиришқоқ ва интилувчан фарзандларимиз – бизнинг ишончимиз ва таянчимиз, Янги Ўзбекистоннинг олтин фонди, бебаҳо хазинасидир.

Албатта, бугун юртимизда мактаб битирувчилари билан бирга уларнинг ота-оналари, устоз-мураббийлар учун

ҳам унутилмас кундир. Ушбу қувончли айёмда уларни ҳам чин дилдан қўлаб, барчасига эзгу тилакларимизни изҳор этамиз.

Сўнгги йилларда мактабгача таълим, олий ва ўрта махсус таълим тизими сифат жиҳатидан кескин ўзгарди. Айниқса, мактаб таълимини ривожлантириш умумхалқ ҳаракатига айланиб, бу борада тўб ислохотлар амалга оширилмоқда. Ҳозирги вақтда юртимизда 10 мингдан зиёд давлат умумтаълим мактаблари билан бирга кўплаб нодавлат, давлат-хусусий шериклик шаклидаги мактаблар, Президент, ихтисослаштирилган ва ижод мактаблари фаолият юритаётгани ушбу тизимда қисқа муддатда чуқур таркибий ва сифат ўзгаришлари юз берганини кўрсатади.

Биргина ўтган йилда 3,3 триллион сўм маблағ ҳисобидан 789 та мактабда қурилиш ва таъмирлаш ишлари амалга оширилди. Халқаро фан олимпиадаларида ўқувчиларимиз кўлга киритган медаллар сони 3 баробар, минтақавий олимпиадаларда эса қарийб 2 баробар кўпайгани, "Бир миллион дастурчи" лойиҳаси доирасида 900 мингдан зиёд ўқувчи дастурлаш асосларини ўрганиб, сертификатга эга бўлгани барчамизни хурсанд қилади.

Давоми 2-бетда. ▶

ИККИ ТОМОНЛАМА ҲАМКОРЛИКНИНГ ДОЛЗАРБ МАСАЛАЛАРИ МУҲОКАМА ҚИЛИНДИ

Ўзбекистон Республикаси Президенти Шавкат Мирзиёев 24 май куни Россия Федерацияси Президенти Владимир Путин билан телефон орқали мулоқот қилди.

Ўзбекистон – Россия стратегик шериклик ва иттифоқчилик муносабатларини янада ривожлантириш, икки мамлакат ўртасидаги кўп қиррали ҳамкорликни кенгайтиришнинг долзарб масалалари кўриб чиқилди.

Ўтган йил ноябрь ойида Москва шаҳрида ўтган олий даражадаги учрашувда эришилган келишувларни амалга оширишга алоҳида эътибор қаратилди.

Жорий йил бошидан фаол мулоқотлар ва ўзаро ташрифлар суръати ошгани мамнуният билан қайд этилди. Март ойи охирида биринчи Тошкент халқаро инвестиция форуми ҳамда апрель ойида Ўзбекистон пойтахтида янги минтақавий форматда ташкил этилган "Иннопром" халқаро sanoat муоамаси доирасида икки томонлама тадбирлар муваффақиятли ўтказилди.

Sanoat кооперацияси бўйича устувор лойиҳалар давом эттирилмоқда. Жорий йил бошидан бундан ташқари айирбошлаш ҳажми 40 фоизга ошди.

Гуманитар ҳамкорликка доир, шу жумладан, таълим, соғлиқни сақлаш, маданият, туризм ва спорт соҳаларида муҳим дастурлар амалга оширилмоқда.

Ўзбекистон ва Россия етакчилари ишбилармон доиралар ўртасидаги кооперация алоқаларини чуқурлаштириш ва худудлараро алоқаларнинг катта салоҳиятидан самарали фойдаланиш муҳимлигини қайд этдилар.

Минтақавий кун тартиби ва халқаро сиёсат масалалари юзасидан ҳам фикр алмашилди.

Икки мамлакат Президентларининг телефон орқали мулоқоти ҳар доимгидек очиқлик, ишонч ва дўстлик руҳида ўтди.

ЎЗА



БУГУН, 25 МАЙ КУНИ ЮРТИМИЗНИНГ БАРЧА МАКТАБЛАРИДА 2021-2022 ЎҚУВ ЙИЛИ ЯКУНЛАНИБ, "СЎНГИ КЎНҒИРОҚ" САДОЛАРИ ЖАРАНГЛАЙДИ.

ЖОРИЙ ЙИЛДА ЮРТИМИЗДАГИ 10130 ТА УМУМТАЪЛИМ МАКТАБЛАРИНИ 390 МИНГ НАФАРДАН Ортиқ БИТИРУВЧИ ТАМОМЛАМОҚДА.

АЙТИШ ЖОИЗКИ, ЯКУНЛАНАЁТГАН ЎҚУВ ЙИЛИДА 246 НАФАР МАҲАЛЛИЙ ВА ХАЛҚАРО ЭКСПЕРТЛАР ИШТИРОКИДА 22 ТА УМУМТАЪЛИМ ФАНЛАРИДАН ИБОРАТ МИЛЛИЙ ЎҚУВ ДАСТУРИ ЛОЙИҲАСИ ЯРАТИЛДИ.

ДАВЛАТ ВАЪДАСИНИ ҚАНДАЙ БАЖАРАДИ?



3 САҲИФА

“ЯРМИНИ 4 КИШИ, ҚОЛГАНИНИ БИР КИШИ...”

ЮРТИМИЗДА СУБСИДИЯЛАНГАН ТИЗИМ АМАЛ ҚИЛАДИ. ЯЪНИ, КИМ ҚАНЧА ЭЛЕКТР ЭНЕРГИЯСИ ИШЛАТСА ҲАМ, УНИНГ 40 ФОИЗИ ДАВЛАТ ТОМОНИДАН ҚОПЛанаДИ. МАСАЛАН, КИМДИР ОЙИГА 1 МИЛЛИОН СЎМЛИК ЭЛЕКТР ЭНЕРГИЯ ИСТЕЪМОЛ ҚИЛСА, БУНИНГ 40 ФОИЗИ ЁКИ 400 МИНГ СЎМИ СУБСИДИЯ ҲИСОБИГА ТЎҒРИ КЕЛАДИ. 100 МИНГ СЎМЛИК ЭЛЕКТР ЭНЕРГИЯ САРФЛАГАН УЧУН ҲАМ ШУ ТАРТИБ, ЯЪНИ 40 МИНГ СЎМ ДАВЛАТ ҲИСОБИДАН ҚОПЛанаДИ. КИМ ҚАНЧА КЎП ЭЛЕКТР ЭНЕРГИЯСИДАН ФОЙДАЛАНСА, ШУНЧА КЎП ДАВЛАТДАН ПУЛ ОЛАЯПТИ.



ТАРАҚҚИЁТНИ ҲАРАКАТЧАН ИНСОНЛАР ЯРАТАДИ, ҚОЛГАНЛАР УНДА ШУНЧАКИ КҮН КЎРАДИ, ДЕСАК, ХАТО БЎЛМАС. МЕҲНАТНИ СЕВМАЙДИГАН, ЖОНИНИ ҚИЙНАГИСИ КЕЛМАЙДИГАН КИШИЛАР, АЙНИҚСА, ЁШЛАР БУ ҲАЁТДА ЙЎЛИНИ ҲАМ, ЎРНИНИ ҲАМ ТОПОЛМАЙДИ, ГУЛДАЙ УМРИНИ ЎЗИ ХАЗОН ҚИЛИБ, ЯНА БОШҚАЛАРДАН АЙБ ҚИДИРИБ, НОЛИБ ҲАМ ҚЎЯДИ. ШУНДАЙ ЁШЛАР БОРКИ, ҲАЁТНИНГ КЎЗИГА ТИК ҚАРАБ, ФАҚАТ ОЛДИНГА ЮРАДИ, ЧУҚУРГА ТУШИБ ҚОЛСА ҲАМ ТЕПАЛИККА ИНТИЛАВЕРАДИ, МЕҲНАТ ВА МАШАҚҚАТ БИЛАН ЎЗИНИ ЯРАТАДИ, ЎРНИНИ ТОПАДИ, ЯНА УЛАР АТРОФГА "ЭНЕРГИЯ" ТАРҚАТАДИ, ЖАМИЯТГА ФАЙЗ КИРИТАДИ.

ДУНЁНИ ЯХШИЛАР ЎЗГАРТИРАДИ



Айжамал ҚАЛБАЕВА, Бердақ номидаги Қорақалпоқ давлат университети талабаси, Халқ демократик партияси "Ёшлар қаноти" фаоли:

Ёши 21 да. Журналистика йўналишида ўқийди, шу соҳада ишлайди. Ота-онаси ҳам шу касб эгалари. 3-синфлигидан "106.4" радиоканалида инглиз, рус тилларидаги дастурларда бошловчилик қилган. Танловда қатнашиб, Қорақалпоғистон телевидениесига ишлаш имкониятига эришган. 3 йилдан бери бошловчилик ва муҳаррирлик қилапти.

МЕНГА ШУНДАЙ ҲАЁТ ЁҚАДИ...

– Талабаларга ишлаш имконияти берилганини катта имконият, деб биламан. Ўзим шундан фойдаланяпман. Айниқса, бизнинг касбимизда бу жуда муҳим. Укам Бахтбек Қалбаев опера ва бахшичилик мактабда ўқийди. Давлатимиз раҳбари ташаббуси билан ўтган йилдан буён Қорақалпоғистонда, айнан Бўзатов туманида иқтидорли ёшларни кашф қилиш мақсадида «Ёшлар овози» республика фестивали ўтказиб келинмоқда. Фестивалнинг бу йилги 10-15 ёш тоифасида опера йўналишида укам 2-ўринни эгаллади. Акам эса ахборот технологияларига қизиқади. ТАТУ талабаси.

Президентимиз ҳар бир учрашувда, ҳар бир чиқишларида биз ёшларга алоҳида эътибор қаратади. Қилинаётган ишлар бизнинг униб-ўсишимиз, ривожланишимиз, кўнглимиз тўқ бўлиб, олға қадам ташлашимиз учунлигини таъкидлайди.

Қорақалпоғистоннинг фаол ёшлари семинарлар, жамоаларда бир-биримиз билан фикрлашиб, ютуқларимиз, режаларимиз ҳақида ўртоқлашамиз. Мисол учун, иқтидорли ёшлардан тузилган "Ренессанс" жамоаси қатор лойиҳаларни амалга ошириб, атрофига йигит-қизларни янада кўпроқ жалб қилиб келмоқда.

Соҳамда яхши лойиҳалар қилишни хоҳлайман. Яқинда "Инсон кадр" деб номланган сиёсий дастурга бошловчилик қилиш арафасидаман. Ижод билан бандман. Янада кўпроқ ишлагим келади, чарчоқ ҳақида ўйламайман, соғломимиз, ёшмиз, ишлашимиз, янги марралар, чўққилар томон интилишимиз керак. Менга шундай ҳаёт ёқади...

➤ **ФАН ДОКТОРИ, ПРОФЕССОР, АКАДЕМИК БЎЛИШНИ МАҚСАД ҚИЛГАНМАН. ОЛИЙ МАЖЛИС ҚОНУНЧИЛИК ПАЛАТАСИДА ҚОНУНЛАР ИШЛАБ ЧИҚИШ ЖАРАЁНЛАРИДА ИШТИРОК ЭТИШНИ ИСТАЙМАН.**

Тарих, педагогика соҳаларида изланишлар олиб боради. Халқаро, республика илмий-амалий конференцияларида мунтазам иштирок этади. Республика "Ёш олимлар кенгаши" аъзоси. Ўтган йили "Ўзбекистон учун 100 ғоя" танлови, "Ўзбекистон олимлари ва ёшларининг илмий-амалий тадқиқотлари" мавзусидаги Республика илмий-амалий конференциясида илмий мақолалар билан қатнашиб, юқори ўринларга эришган.

Нурилом АЛИЕВ, Адлия вазирлиги ҳузуридаги Қашқадарё вилоят юридик техникуми Ёшлар билан ишлаш бўлими услубчиси, Халқ демократик партияси "Ёшлар қаноти" етакчиси:

ИНСОН КАМЧИЛИКНИ ЎЗИДАН ҚИДИРИШИ КЕРАК

– Техникумда "Ёш тарихчилар" тўғрагини ташкил этганмиз. Машғулотларни амалиёт билан ҳамоҳанг олиб борамиз. Хусусан, "Қатагон қурбонлари" музейи, Амир Темур, "Ерқўрғон" обидалари, Хўжайилғор қишлоғи, "Ўлкашунослик" музейи, вилоят архивида амалий дарслар ўтказиб келаяпмиз. Қачонки, назария билан амалиёт уйғун бўлса, берилаётган билим, маълумотлар ўқувчининг ёдида қолади.

2019 йилдан буён Адлия вазирлигининг "Street law" лойиҳаси Қашқадарё вилоятидаги ҳудудий координатори сифатида ҳам фаолият олиб бораман. 2019-2021 йилларда вилоятдаги таълим муассасалари, маҳаллалар, ҳарбий қисмлар ва вилоятнинг олис ҳудудларида ижтимоий-ҳуқуқий масалалар бўйича 960 та тарғибот тадбири ташкил этилиб, унда 43 200 нафар йигит-қиз қамраб олинди. Лойиҳа орқали аҳолига кундалик турмушида керак бўладиган ҳуқуқлари ва уларни амалга ошириш масалалари ўргатиб борилади. Инсоннинг ҳуқуқий саводхонлиги қанчалик юқори бўлса, унинг ижтимоий фаоллиги, ислохотларга дахлдорлиги ҳам шунчалик юқори бўлади.

Ижтимоий тармоқларда ёшларнинг



таклифлари, ташаббуслари билан бирга, салбий фикрлар, эътирозли кайфиятларга ҳам кўзимиз тушади. Учрашувларда ўқишга кириш, ишлаш масалаларида муаммолар бўлаётганини айтишади. Сухбатдан ўтолмай, номзодларнинг таниши бор экан, деган қарашлар бўлади. Назаримда, инсон камчилиги, аввало, ўзидан қидириши керак.

Болалигимда биринчи марта вилоят танловида қатнашиб ютқазганимда, "Ғолиб бўлганлар шаҳарда яшайди-да, мен қишлоқда катта бўлганман", деган фикрлар ўтган. Аммо ундай эмаслигини, ҳаммаси ўзимга, кучим ва интилишимга боғлиқлигини тушуниб етдим. Қаттиқ ўқидим, атрофимдаги салбий фикрларга эътибор қилмадим, мақсадим йўлида курашдим, тўсиқларни енгишга ҳаракат қилдим. Тўғри, чарчаган, болалик, ёшлик қилган кунларим бўлди, аммо мен олға интилдим. Нафақат, вилоят миқёсидаги, балки республика танловларида ғолиб бўлдим.

Фан доктори, профессор, академик бўлишни мақсад қилганман. Олий Мажлис Қонунчилик палатасида қонунлар ишлаб чиқиш жараёнларида иштирок этишни истайман.



Можира БОЛТАЕВА, Тошкент тиббиёт педиатрия институти 3-курс талабаси, Ибн Сино номидаги ёш биологлар ва кимёгарлар ихтисослаштирилган мактаби ўқитувчиси:

ПАСТЛАШИМ МУМКИН ЭМАСДИ...

– Болада аввало, фанга ёки танлаган соҳасига қизиқиш бўлиши керак, мажбурлаб ўқитиш қийин. Қизиқса, изланади, ўз устида ишлайди, янги ўрганганларидан мотивация олади. Менинг ютуқларимда оиланинг улуши кўп бўлган, десам тўғри бўлади. Икки акам ҳам кимё фанидан халқаро олимпиадаларда медалларни қўлга киритишган. Улар билан бирга ишлаймиз, бирга изланамиз. Акаларимнинг ютуқлари менга оилавий аъёна бўлиб қолган. Ва, албатта, бу масъулият ҳам. Қийин томони акаларимнинг натижаларидан кейин пастлашим мумкин эмасди. Иқтидорни ривожлантириш учун устозлар, жамоа, яратилган шароит ҳам муҳим.

Ёшларга соғлом рақобат керак. Шундай муҳитда ҳар бир ўқувчи ўз камчиликларини кўра олади, уни бартараф этишга ҳаракат қилади, ривожланади. Енидагилардан ибрат олади.

Тиббиёт институтини битиргандан сўнг кимё ва тиббиёт соҳасини умумлаштирган ҳолда биокимёни чуқурроқ ўрганмоқчиман. Инсон геноми, генетик касалликлар бўйича изланиш олиб бораман. Шу билан бирга кимё, биология фанлари бўйича бутунжаҳон тан олган олимпиадаларга ўқувчиларни тайёрлашни давом эттирмоқчиман. Ҳакамлар ҳайъати сафида бўлиш ниятим бор.

Гулруҳ ОДАШБОВЕВА.

БИЛАСИЗМИ?



Кимлар хавфсизлик камарини тақмаслиги мумкин?

Қуйдаги шахсларга хавфсизлик камарини тақмасликка рухсат берилади:

- автомобилнинг орқа ўриндиғидаги 12 ёшгача бўлган болалар;
- ўқув-машқ транспорт воситасини ўқувчи бошқараётган вақтда автоматотранспортни ёки шахар электр транспортини бошқаришни ўргатувчи амалий машғулотлар инструктори;
- ҳомиладор аёллар, саломатлиги хавфсизлик камари тақиш имконини бермайдиган беморлар (Соғлиқни сақлаш вазирлиги томонидан белгиланган касалликлар рўйхатида мурофиқ ва ушбу касалликлар билан касалланганлиги бўйича тиббий маълумотнома мавжуд бўлганда);
- хизмат вазифасини бажараётган ходимга бириктирилган кўк ёки қизил ёхуд кўк ва қизил рангли ялтироқ маёқчаси билан жиҳозланган ҳамда махсус рангли бўёқ схемалар ва ёзувлар билан белгиланган транспорт ҳайдовчиси ва йўловчилари.
- Мотоцикл ва мопедда ҳаракатланаётган ҳайдовчи ва йўловчилар махсус мототолем кийишлари ва уни қадаб олишлари шарт.



Иш ҳақидан курсларга тўлов қилинса, солиқ олинмайдими?

Солиқ тўловчининг солиқ даври давомида қайта тайёрлаш ва малака ошириш учун нодавлат таълим ташкилотлари (курсни тугатганлик тўғрисида шундай ташкилотлар томонидан берилган ҳужжат мавжуд бўлганда) тўлаш учун йўналтириладиган, БҲМнинг 8 бараваригача (2 млн. 160 минг сўмгача) бўлган микдордаги иш ҳақи суммалари ва бошқа даромадлари солиққа тортилмайди.



Бемор болалар учун кохлеар имплантация операцияси бепул ўтказилади

Қонунчиликка кўра, кохлеар имплантация операциялари Республика ихтисослаштирилган педиатрия илмий-амалий тиббиёт марказида ўтказилади.

– Бемор болалар учун кохлеар имплантация операциясини ўтказиш ва операциядан кейинги реабилитация тадбирлари бепул амалга оширилади.

– Шунингдек, имплантатлар 5 ёшга тўлмаган болаларга бепул тақдим этилади.

– Боланинг ота-онаси, уларнинг ўрнини босувчи шахслар ёки ҳомийлар бепул имплантат ҳисобида операция учун навбат кутишни исташмаса, имплантатни ўзлари сотиб олишлари мумкин.



Ўриндошлик асосида ишловчи шахсларга таътиллار асосий иш жойидаги меҳнат таътили билан бир вақтда берилади

Ўриндошлик асосида ишловчи шахсларга ҳар йилги асосий, шунингдек, ўриндошлар ҳақли бўлган кўшимча таътиллар асосий иш жойидаги ҳар йилги меҳнат таътили билан бир вақтда берилади.

Агар ўриндошлик асосида ишлаганин биринчи иш йилида ходим 6 ойдан кам ишлаган бўлса, у ҳолда ўриндошлик асосидаги ишда таътил учун ишланган вақтга пропорционал ҳақ тўланади.

Биринчи иш йилида 6 ой ишлаган ўриндошларнинг меҳнат таътилига, шунингдек, ишининг кейинги йиллари учун меҳнат таътилига ўриндошлик асосидаги ишининг ўртача иш ҳақидан келиб чиққан ҳолда одатдаги тартибда ҳақ тўланади.

